

子部・雜家類

林子全集

北京圖書館古籍珍本叢刊

63

書目文獻出版社

ISBN 7-5013-1402-0



9 787501 314027 >

北京圖書館古籍珍本叢刊

63

子部·雜家類

林子全集

編者 北京圖書館古籍出版編輯組

出版 書目文獻出版社

(北京文津街七號)

印刷 北京大興古籍印刷裝訂廠

定價 叁佰壹拾圓

ISBN 7-5013-1402-0/Z·222

林子全集

〔明〕

林兆恩

撰

ED29/09

據明崇禎刻本影印

林子全書要語

天以一中分化人以一中
立命道一而已教何云三
教之三也世人岐之吾
師合之非創說也天下義

收

一

理賅備於易傳曰乾以易
知坤以簡能至易簡理得
而成位乎其中則吾儒之
真體實用也牟尼氏以空
虛爲體無相爲宗非易乎

清尼氏以清靜爲體不物
於物爲宗非簡乎先師仲
尼氏無意必無固我取空
虛清靜之體而互印之有
異乎否耶其示子淵則曰

錄

三

非禮勿視非禮勿聽非禮
勿言勿動何嘗有物何物
於物及與子言孝與臣言
忠與弟友言弟友循循誘
人與慈悲度世直相映發

他日有言曰吾道一以貫
之合一之旨自了然矣世
儒讀孔孟之書淺者訓詁
深亦臆解非稟神慧孰窺
大全如奇偶彖爻四聖獨
契無言之秘迺逗陰陽之
精奈何僅得半班以見知
見仁而離岐之耶夫西方
聖人之頌猶龍之稱豈無
見而云然者哉吾

敘

三

師龍江先生洞天人之秘
突究性命之本體憫庸愚
於迷途掖賢智於覺路故
其緒論真切引譬詳明繼
往開來悉萃於此海內後
學不能盡登其堂聆其指
授得是書而私淑之則易
簡之理可與成位同歸萬
物其咸備矣上人了玄從
幼授業獨得真解欲廣吾

敘

四

師之傳使一切形氣各悟
本來奈上智最稀頓悟者
寡不得已借已病之法爲
點鐵之丹使錮疾可瘳則
昏迷亦可醒也收齏掩骼

教

五


完其功行一念孜孜無非
闡明合一之旨揭日月而
行中天端有賴於斯人歟
端有賴於斯人歟

肯

崇禎歲辛未節端陽漳弟

子馬鳴起書於敬事之

精舍



教

六

林子全集自序

錄分內集舊文

子谷子龍江兆恩

余生平所著三教書既標之曰
三教分內集而又曰歸儒宗孔
非非三教者豈不以儒不孔子
道不黃帝老子釋不釋迦故以

林子全集自序

一

三教者流之非而非之而歸儒
而宗孔也夫曰歸儒曰宗孔曰
非非三教是亦足矣而必曰三
教分內集者匪他也論語曰老
者安之朋友信之少者懷之是
皆宇宙內事是皆吾人分內事

也豈非聖人所以盡人而持載
之而覆幬之而無遺人邪尚書
曰鳥獸魚鼈咸若中庸曰凡有
血氣莫不尊親是亦皆宇宙內
事是亦皆吾人分內事也豈非
聖人所以盡物而持載之而覆

林子全集自序

二

幬之而無遺物也故曰聖人盡
人昊天盡物若道釋者流亦人
爾乃獨無分於至治之咸若配
天之尊親者何與逃墨逃楊歸
而斯受而既苙且招殆非聖人
昊天之心之大也孔子曰吾非

斯人之徒與蓋聖人亦昊天也而尚書之咸若中庸之尊親不謂之盡物而況於楊墨道釋者流而爲斯人之徒者乎此余三教合一之書之所由作也

原書缺葉

林子倡道每以度世爲教。或人愕然異之。來見林子。林子曰。汝無異也。汝知汝之心。本自廣大。包羅天地萬物。而無有能外之者乎。汝今尚未見性。則又安能不以度世之教爲異也。或人乃問何者爲性。何以能見性也。願夫子明言之。以教我。林子曰。釋氏之見性。儒氏之知性也。今汝未能盡心。安能知性。未能明心。安能見性。余昔者嘗有言曰。知性性知。非智能知。見性性見。

非眼能見。夫既不可得而知。不可得而見矣。余將何言。余將何以教汝也。汝今且依余所授盡心明心要法。勤而行之。从則自當有悟入處。既有悟入。便有真知。既有悟入。便有真見。真知無

林子全集

七

知。無知者知。名爲性知。真見無見。無見者見。名爲性見。無可測識。性不屬知。無可想像。性不屬見。性不屬知。何以曰知。性不屬見。何以曰見。自性自知。自性自見。自性自悟。自性自度。既曰自

悟。非由人悟。既曰自度。非由人度。盡心明心。自悟自度。機非在我。自非我義。神理自彰。不可度量。如是而悟。非我能悟。如是而度。非我能度。非我能悟。正覺正悟。非我能度。正覺正度。余將何

林子全集

八

言。余將何以教汝也。

此言性。而附錄於全

集內自序之後者。蓋自度以度世。而爲性之盡也。

又

或以林子修性之旨。既聞命矣。敢問所以修命。林子曰。修命必本於修性。易曰。窮理盡性以至

於命。若或徒知所以盡性而不
知所以至命。雖有慧悟。終落空
無。故孔子之不惑。孔子之盡性
也。我而能盡性焉。而人物天地
之性。亦皆在我矣。故以我之性
而人之物之。而人物之性。有不

林子全集

九

自我而盡乎。以我之性。而天之
地之。而天地之性。有自我而
盡乎。孔子之知天命。孔子之至
命也。我而能致中焉。而天地萬
物之命。亦皆在我矣。以天地之
命。以位天地。而天地有自我

而位乎。以萬物之命。以育萬物。
而萬物有自我而育乎。孟子
曰。盡其心者。知其性也。知其性。
則知天矣。此言天。卽命也。中庸
曰。天命之謂性。蓋性本於命。命
出於天。天也者。自然而已矣。故

林子全集

十

天則自然有是命。而命則自然
有是性也。夫孟子曰。知者。何也。
知也者。知之也。知天地之化育
之知也。易曰。乾知太始。坤作成
物。而曰。知曰作。其義一也。猶今
所云。知府事。知縣事。非徒曰。知

之也。若也未能盡心。而存心之功。不可不知也。未能盡性。而養性之功。不可不知也。未能知天。而事天之功。不可不知也。然心卽性也。釋氏有言曰。真心是性。真性是心。故天壽之不貳其心。

林子全集序

十一

矣。由此而進進不已焉。可以知性修身以俟之以立命。由此而進進不已焉。可以知天。夫天壽不貳。固不以形骸而貳其心矣。而修身之功。其義將何取焉。身也者。身也。體也。乾爲首。坤爲腹。

腹亦體也。坤曰。正位居體。鼎曰。正位凝命。艮曰。君子思不出其位。而孟子亦曰。立天下之正位。惟此正位也。以言乎其大。則足以包羅乎天地而無外。故謂之廣居。而大道從此出矣。老子所

林子全集序

十二

云玄牝之門。是謂天地根者。正位也。孔子曰。未知生焉知死。道家謂之生門死戶。故生而生也。而其所以生者。固在於此。至於死而死也。而其所以不死者。亦在於此。若不知此意。則未有不

隨死而亡焉者也。繫辭曰：原始反終，故知死生之說。故能知所以原其始而始之，則必知所以原其終而終之。此道家所以長生。釋氏所以不死者，卽尚書所謂考終命，而形骸非所論也。故

林子全集

十三

君子曰：終，蓋言終之而未嘗死，而亦未嘗不死。而孔子朝聞夕死之言，正此意也。又不觀之圓覺經乎？圓覺經曰：如銷金鑛，金非銷有。旣以成金，不重爲鑛。經無窮時。金性不壞，不應說言本

非成就。如來圓覺亦復如是。而後世修命之士，有不認鑛以爲金也。亦寡矣。余昔所論著元神實義，有所謂重立性命，再造乾坤者，非他也。乃所以銷鑛以爲金也。故修命之士，惟當在於氣

林子全集

十四

穴圖之。老子所謂深根固蒂也。然兩石相擊而火生焉，兩精相搏而神應焉。蓋我之精氣包藏於氣穴之中，若我能以我之所相搏之神，凝而入之於氣穴之中焉，殆所謂立天下之正位，以

居體而凝命也。昔者孔子嘗言仁。宋儒所謂杏仁桃仁者是也。蓋菓核中之有兩片者。一陰一陽之道也。而其尖處之幾希者。仁也。繼之者善也。故始而坎離交。以胎陰也。而得其陰之所以

林子全集

三五

爲陰者。豈非從父母形化中來一點之幾希乎。學而至此。然後方可謂之全其親之所生。而爲孝子矣。旣而天人合以胎陽也。而得其陰之所以爲陽者。豈非從天地氣化中來一點之幾希

乎。學而至此。然後方可謂之全其天之所賦而爲仁人矣。又旣而二陽偶。亦以胎陽也。而得其陽之所以爲陽者。豈非從冲漠無朕中來一點之幾希乎。學而至此。然後方可謂之露我全真。

林子全集

十六

以與太虛同體矣。夫旣露我全真。以與太虛同體矣。則命自我立。而所謂我命由我不由天者。非虛言也。古人有言曰。鍊精化氣。鍊氣化神。鍊神還虛。夫以精氣神而鍊之以還虛焉。則精爲

元精未始精而能生精者也。氣
爲元氣未始氣而能生氣者也。
神爲元神未始神而能生神者
也。天地有壞這箇不壞。蓋以其
不依形而生而無可死之道也。
若不先之以見性而卽曰我能

林子全集

七

修命則余不能知之矣。

此言命而附錄

於全集內言性之後者蓋修性兼修命而爲學之全也。

萬曆歲戊子穀日七十二叟兆
恩

合刻三教先生集叙

儒釋道三教之聖人無日不在
天地間。蓋天實生之以撐持世
界。濟度衆生者也。上古帝王人
人是儒。人人是道人。人人是佛。天
下陰受其福而未嘗標儒釋道。

林子全集序

十

三教之名三教之名顯于衰季
之世。曰此爲儒。此爲道。此爲釋。
摠之至神至靈太聖大賢之化
身。流轉變幻隱現出沒于古今
世代之中。陰用之而不得則顯
出之而上天救渡生人之意愈

苦愈微何者三代以後之人心
世道既不能如上古之渾沌醇
龐帝治王風邈不可追列國之
君互相吞噬日弄刀兵死于鋒
鏑者大半天下皆囂然喪其樂
生之心上帝哀之故孔子老子

林子全集

二

並世而出以拯拔一世孔子明
五帝三王之道以詩書禮樂之
教號呼于天下老子曰是忠信
之薄而亂之首也不若返于太
古無爲之初老子之意玄微幽
渺雖後之人主用其一二亦足

以致清淨寧一之治而遁迹流
沙人莫得而測其踪跡而孔子
之道明白正大天下萬世由之
則治悖之則亂遂以尼山之一
匹夫爲中天之砥柱而天下橫
騁之夫乃有顛倒决裂而不顧

林子全集

三

者此亦孔子之教所無如之何
者也佛倡爲因果輪廻之說以
震懼天下爲惡之人以陰助孔
子之教之所不及發其夢于漢
之永平而昌熾極盛于五代擾
攘斬伐之際亂轉劇而其教轉

盛如達磨之至于蕭梁而鳩摩羅什之起于姚秦譬如沃清冷之水于鑊湯之中而耀日月之燈于暗室之內而上天一種悲憫世人之深心拔濟羣生之隱念至是苦矣三教宗旨雖人人殊而孔之仁老之慈佛之悲其主于濟世一也孔子之于老聃至尊之爲龍此時佛教尚未入中國也而孔子已預知之爲商太宰稱西方之聖人則孔老佛三聖人心心相印如印印泥而

林子全集

四

後世之拘儒曲學淺渺無識不能深知孔子之意至操戈以相向薄責于老而厚誅于佛乃自古迄今三聖人之教竟鼎立于三才之中而不可磨滅則環擊而聚攻之者母乃揚其波而煽其焰也哉嗟乎此林先生三教合一之書所以作也非林先生合之而三教原自合也余生也晚不及見林先生而欵啟寡聞又不能深窺先生之精蘊而先生之弟子了玄上人取先生之

林子全集

五